



佛告諸比丘諸行無常迅速不停無可恃怙  
 是敗壞法應當遠離趣解脫道尔時魔王波旬復作是念沙門瞿曇在王舍城在寒林中為諸聲聞說如是法我當往彼而為燒亂尔時魔王作是念已化為摩納住至佛所在一面立而說偈言

晝夜恒在人命常來 如輪軸轉 周迴無已  
 佛知魔王來作燒亂即說偈言  
 命欲日夜盡 壽者多患難 猶如陷下河  
 速盡無遺餘 是故汝波旬 不應作壞亂  
 魔作是念佛知我心愁憂苦惱極生悔恨隱  
 形而去還于天宮

如是我聞一時佛在王舍城迦蘭陀竹林尔時世尊於夜後分經行林中於其晨朝洗足已正身端坐繫念在前尔時魔王作是念言沙門瞿曇在王舍城於夜後分林中經行於其晨朝洗足已入於靜室正身端坐繫念在前我今當往而作燒亂作是念已即便化為

摩納之形在佛前立而說偈言

我心能化作 羅網遍虛空 沙門於我所  
 終不得解脫

佛作是念魔來燒亂即說偈言

世間有五欲 愚者為所縛 能斷此諸欲  
 未盡一切苦 我已斷諸欲 意亦不涂著

息二

二

波旬應當知 我久壞欲網

尔時魔王聞說偈已不果所願憂愁苦惱隱  
 形而去還于天宮

如是我聞一時佛在王舍城迦蘭陀竹林尔時世尊於初夜後分坐卧經行於其晨朝洗足入房右脇著地足足相累繫心在明修於

念覺而生起想尔時魔王波旬即作是念沙  
 門瞿曇在王舍城迦蘭陀竹林中經行坐卧  
 於其晨朝洗足入房右脇著地足足相累繫  
 心在明修於念覺作於起想我當至彼而作  
 燒亂作是念已化為摩納在佛前住而說偈言  
 何以睡眠何以睡眠云何睡眠如入涅槃

如所作辦而自安眠乃至日出故復眠也  
佛知天魔來作燒亂而說偈言

受網著諸有 遍覆一切處 我今破斯網

諸愛永已斷 一切有生盡 安隱涅槃樂

波旬汝今者 於我復何為

尔時魔王聞說偈已憂愁苦惱即便隱形還

于天宮

如是我聞一時佛在王舍城耆闍崛山中值

天雲霧降少微雨電光暉赫處處晃耀尔時

世尊即於其夜露地經行魔王波旬而作是

念沙門瞿曇在王舍城耆闍崛山值天雲霧

降少微雨電光暉赫處處光輝於其夜中露

息二

三

地經行我當往彼而作壞亂尔時魔王作是

念已在其山上推大石下欲到佛所時彼大

石自然碎壞尔時世尊即說偈言

汝壞靈鷲山 令如粉微塵 巨海及天地

悉皆粉碎裂 欲使正解脫 生於怖畏相

欲令毛髮豎 終無有是處

尔時魔王作是念言沙門瞿曇知我所念憂  
愁苦惱即便隱身還于天宮

如是我聞一時佛在王舍城耆闍崛山尔時

世尊於其夜中露地經行洗足已入靜房中

整身端坐繫念在前魔王波旬作是念言瞿

曇沙門在王舍城耆闍崛山中露地經行我

當往彼而作燒亂尔時魔王即自變形作蟒

蛇身其形長大猶如大船雙目晃朗如矯薩

羅鉢吐舌皎皎又如掣電出入息聲如大雷

震住於佛前以身遶佛引頸舉頭當佛頂上

尔時世尊知魔燒亂而說偈言

我處于閑寂 繫心正解脫 安禪修其身

如昔諸佛法 毒蛇極猛暴 狀貌甚可畏

蚊蚋及蝨蚤 種種諸惱觸 不動我一毛

況能令我畏 假使虛空裂 天地皆震動

一切諸衆生 皆生大驚怖 欲令我怖畏

終無有是處 設復有毒箭 中于我心者

當于被箭時 終不求救護 然復此毒箭

亦不能中我

余時魔王聞佛說偈而作是念瞿曇沙門已知我心生大怖畏憂愁悔恨即變形去還于  
天宮

如是我聞一時佛在王舍城曼直林中佛於初夜坐禪經行初夜以訖洗足入室右脇著地足足相累繫心在明作於起想魔王波旬知佛心已而作是念沙門瞿曇在王舍城曼直林中於其初夜坐禪經行至中夜前洗足入房右脇著地足足相累繫心在明作於起想我今當往而作壞亂余時魔王化作摩納在如來前而說偈言

息二

四

云何無事務	而作於睡眠	安寢不寤寤
如似醉人睡	人無財業者	乃可自恣睡
大有諸財業	歡樂使睡眠	
余時世尊知魔來嬈亂而說偈言		
我非無作睡	亦非醉而眠	我無世財故
是以今睡眠	我多得法財	是以安睡眠

我於睡眠中	乃至出入息	皆能有利益
未曾有損減	寤則無疑慮	睡眠無所畏
譬如有毒箭	人射中其心	數數受苦痛
猶尚能得睡	我毒箭已拔	何故而不睡
魔聞是偈作是念沙門瞿曇以知我心心懷	憂惱於即還宮	

如是我聞一時佛在王舍城毗婆波世山七葉窟中余時有一比丘名曰求德獨住仙山黑石窟中處於閑靜勤行精進以不放逸斷於我見得時解脫自身作證復還退失第二第三乃至第六亦還退失比丘念言我今獨處修行精進六反退失若更退失以刃自割

魔王波旬知佛在王舍城毗婆波世山七葉窟中瞿曇弟子名曰求德亦在王舍城獨住仙山黑石窟中勤行精進心不放逸得時解脫自身作證得已退失如是六反余時魔王而作是念求德比丘若第七得必自傷害出魔境界作是念已提琉璃琴往到佛所扣琴

息二

五

作偈

大智大精進

有大神通達

於法得自在

威光極熾盛

汝聲聞弟子

今將欲自害

人中最上者

汝今應遮斷

云何樂汝法

何故學他死

尔時魔王說是偈已佛告魔王言波旬汝今乃

是諸放逸者之大親友汝今所說自為說耳

乃不為彼比丘說也尔時世尊復說偈言

若人不怯弱 堅修行精進 恒樂於禪定

晝夜修眾善 乾竭愛欲使 壞汝魔軍眾

今捨後邊身 永入於涅槃

尔時魔王憂悲苦惱失瑠璃琴愁毒悔恨還

本宮殿

佛告諸比丘當共汝等詣仙人山求德比丘

所佛將諸比丘詣求德所見求德屍東猶如

烟聚佛告諸比丘汝等見此烟聚以不諸比

丘言已見世尊屍南西北亦如是聚佛告比

丘此是波旬隱形遠求德所覓其心識佛告

比丘求德比丘以入涅槃無有神識無所至

方尔時魔王化形摩納而說偈言

上下及四方

推求求德識

莫知所至方

神識竟何趣

尔時世尊告波旬言如此健夫破汝軍眾以

入涅槃佛說是已諸比丘聞佛所說歡喜奉行

如是我聞一時佛在優樓比螺聚落尼連禪

河菩提樹下成佛未久尔時魔王而作是念

佛在憂樓比螺聚落尼連禪河菩提樹下成

佛未久我當詣彼伺求其便作是念已往詣

佛所而說偈言

汝獨處閑靜

閉默常寂然

光顯神體

諸根悉悅豫

譬如失財者

後還獲於財

汝今翫禪寂

歡喜亦如是

既能遺國榮

亦不怖名利

何不與諸人

而共為親友

尔時世尊以偈答言

我久獲禪定

其心常寂然

破壞汝欲軍

得於無上財

諸根恒恬豫

心中得寂滅

息一

六

以壞汝欲軍 修道情歡恬 獨一離憤鬧  
安用親友為

尔時魔王復說偈言

汝以獲正道 安隱向涅槃 既以得妙法

宜當戢在懷 誠應獨了知 何以教眾人

尔時世尊復說偈言

人不屬魔者 諮吾彼岸法 我為正分別

諦實得盡滅 止心不放逸 魔不得其便

尔時魔王復說偈言

譬如白石山 其色類脂膏 群鳥不別知

飛來而貪食 既不得其味 喙傷而虛還

我今亦如是 徒求無所為

尔時魔王說是偈已憂愁苦惱極生悔恨向

一空處踣踞獨坐以箭畫地思作方計時魔

三女一名極愛二名悅彼三名適意時魔三

女往至魔邊向父說偈

父今名丈夫 何以懷憂愁 我當以欲胃

胃彼如捕魚 將來至父所 使父得自在

尔時魔王說偈答言

彼人善斷欲 不可以欲牽 已過魔境界

是故我懷憂

彼魔三女化其形容極為端嚴往詣佛所即

禮佛足在一面立三女同聲俱白佛言我故

來供養與佛策使尔時世尊無上斷愛了不

息二

七

顧視第二第三亦作是語佛不觀察時魔三

女退在一處自共議論男子之法所好各異

或愛小者或愛中者或愛大者即時一女化

作六百女人或作小女或作童女或作未嫁

女或作已嫁女或作已產女或作未產女化

作如是眾多女已俱往佛所白佛言世尊我

等今來供養世尊為其策使給侍手足佛不

觀察第二第三亦如是說都不顧視時魔女

等復退一處更共語言此必得無上斷愛欲

解脫故若不尔者應見我等狂亂吐血或能

心裂我等常往其所以偈問難魔女極愛以

偈問曰

端拱樹下坐	閑靜獨思惟	為失於財寶
為欲求大財	城邑聚落中	都無愛著心
何不與眾人	而共作親友	
尔時世尊說偈	偈言	
我以得大財	心中得寂滅	我壞愛欲軍
妙色都不著	獨處而坐禪	最受第一樂
以是因緣故	都不求親友	
魔女適意復說偈	偈言	
比丘住何處	能度五駛流	六駛流亦通
入何禪定中	得度大欲岸	永離有縛縛
尔時世尊復說偈	偈言	
身獲柔軟樂	心得善解脫	心離於諸業
意不復退轉	得斷覺觀法	得離瞋愛掉
得住此處住	能度五駛流	并度第六者
作如是坐禪	能度大欲結	并離有縛流
魔女悅彼復說偈	偈言	
已斷於愛結	離眾所著處	多欲度駛流
多欲度死岸	唯有點慧者	能度如斯難

尔時世尊復說偈言

大精進濟拔 如來正法度 如法得度脫

知者莫不欣

三女不果所願還至父所尔時魔王訶責二

女因說偈言

三女占壞彼 形容猶如電 向彼大精進

如風吹堯羅 以爪欲壞山 齒斷於鐵丸

嬰愚以藕絲 欲懸於大山 佛以度眾著

欲共彼講論 冒穢欲捕風 欲下虛空月

以手搗大海 望欲得乾竭 佛以離諸著

欲往共講論 舉脚度須彌 大海中覓地

佛以出諸著 而往共講論

魔王憂愁悔恨於即滅沒還于天宮

如是我聞一時佛在王舍城靈鷲山尔時佛

與諸比丘讚歎涅槃法魔王作是念佛在王

舍城與諸比丘讚歎涅槃法我今當往而作

壞乱作是念已即便化形作一百人五十人

極為端正五十人極為醜惡時諸比丘皆生

驚恠今以何故極為端正復有極醜佛知魔  
來欲作壞亂尔時世尊告波旬言汝於長夜  
生死之中具受如是好惡之形汝當云何得  
度苦岸如是變化復何用為若有愛著於男  
女者汝當變化作衆形相我今都無男女之  
相何用變化作衆形為佛說是已諸比丘聞  
佛所說歡喜奉行

長壽河帝及胃機 睡眠經行大毒蛇

無所為求德魔女 壞亂變形及好惡

如是我聞一時佛在舍衛國祇樹給孤獨園  
尔時佛告諸比丘堅持七行必得帝釋何以  
故昔者帝釋為人之時發初履行孝順父母

息二

九

恭敬尊長所言柔更斷於兩舌好施無慳恒  
修實語終不欺誑不起瞋恚設生嫌恨尋思  
滅之尔時世尊即說偈言

於父母所 極能孝順 於諸尊長 深心恭敬  
恒作輒善 恩柔好語 斷於兩舌 慳貪瞋恚  
三十三天 各作是語 如是行者 勝我等輩

當知別住以為天王

佛說是已諸比丘聞佛所說歡喜奉行

如是我聞一時佛在毗舍離獼猴彼岸大講  
堂中有一離車名摩訶離來詣佛所禮佛足  
已在一面坐白佛言世尊頗曾見帝釋不佛  
言我見離車白佛言有夜叉鬼狀似帝釋世  
尊所見將無是彼夜叉鬼耶佛告離車是帝  
釋身我善識之夜叉之形如帝釋者我亦識  
之帝釋本行及所行事我亦盡知帝釋本為  
人時極孝順父母敬於尊長所言柔輒斷於  
兩舌除去慳嫉常好布施口常實語除於瞋  
恚不起嫌恨尔時世尊即說偈言

於父母所 極能孝順 於諸尊長 深心恭敬  
恒作輒善 恩柔好語 斷於兩舌 慳貪瞋恚  
三十三天 各作是語 如是行者 勝我等輩  
應當別住 以為天王

佛說是已諸比丘聞佛所說歡喜奉行  
如是我聞一時佛在舍衛國祇樹給孤獨園

尔時有一比丘往到佛所頂禮佛足在一面立白佛言世尊云何名帝釋云何作帝釋相佛告比丘帝釋本在人中所有布施生純信心信心施於貧窮沙門婆羅門等其所施時施漿飲食種種餽餼種種華鬘種種諸香燒香塗香財帛牀榻以是因緣時諸天等名爲

帝釋比丘復白佛何故名帝釋爲富蘭但那佛告比丘帝釋昔在人中施無厭足數數施故諸天号名爲富蘭但那以何因緣帝復名釋爲摩佉婆佛告比丘帝釋本作婆羅門名摩佉婆又問復何因緣名婆娑婆佛言數數常以衣服施沙門婆羅門以是因緣故名婆娑

息二

十

婆又問復何因緣名憍尸迦佛告比丘帝釋本爲人時姓憍尸迦故名憍尸迦復以何緣名舍脂夫佛告比丘帝釋娶毗摩質多羅阿修羅王女名舍脂夫又問復以何緣名爲千眼佛告比丘帝釋本爲人時極大聰明斷事之時須臾之間能斷千事以是因緣故名千

眼復以何緣名因陀羅佛告比丘帝釋居天王位斷理天事故名因陀羅尔時世尊告比丘能具上七事以是因緣故諸天号曰帝釋佛說是已諸比丘聞佛所說歡喜奉行

如是聞一時佛在舍衛國祇樹給孤獨園尔時世尊告諸比丘昔所有一夜又形狀甚

小顏色鄙惡身形又黑人不喜見坐帝釋座上尔時三十三天見是夜又坐於釋處皆大瞋忿種種毀罵尔時夜又惡相漸滅善色轉生漸漸長大諸天罵詈瞋恚轉多夜又遂復身形長大顏色鮮盛諸天相將至帝釋所白帝釋言有一夜又極爲醜陋身形甚小坐帝

釋座我等諸天盡共罵詈而夜又子顏色轉好身形漸大帝釋語言有是夜又得諸罵詈形色轉好名助人瞋尔時帝釋還向座所偏袒右肩手擎香爐語夜又言大仙我是帝釋我是帝釋三自稱名夜又轉小形色轉惡於是消滅帝釋還復坐帝釋座告諸天言自今

息二

以往莫生瞋恚若有惡對慎莫加瞋即說偈言  
 若他來侵欺 莫還侵欺彼 於來侵害者  
 皆生於慈心 無瞋無害者 常應親近之  
 彼即是賢聖 亦賢聖弟子 諸有瞋恚者  
 為瞋山所障 若有瞋恚時 能少禁制者  
 是名為善法 如變制惡馬

佛告諸比丘帝釋居天王位受諸欲樂猶能  
 制瞋又常讚歎禁制瞋者況汝比丘信家非  
 家出家入道剃除鬚髮被服法衣而不制瞋  
 讚離瞋者是故比丘當作是學尔時比丘聞  
 佛所說歡喜奉行

如是我聞一時佛在舍衛國祇樹給孤獨園  
 尔時世尊晨朝時到著衣持鉢入城乞食食  
 已洗足攝坐具詣得眼林中遍觀察已於閑  
 靜處在樹下結加趺坐任於天任尔時耆陀  
 精舍中有二比丘於僧斷事時共生忿諍一  
 小默然忍一瞋熾盛彼熾盛者自見已過而  
 來歸向默忍比丘求欲懺悔默忍比丘不受

其懺如是展轉諸比丘等共相論說出大音  
 聲如來尔時住於天任以淨天耳過於人耳  
 遙聞是聲即從座起至於僧中在於僧前敷  
 座而坐佛告諸比丘我於今朝著衣持鉢入  
 城乞食乃至來入林中靜坐聞諸比丘高聲  
 大喚為作何事尔時比丘即白佛言世尊者  
 陀精舍有二比丘僧斷事時共生忿諍一比  
 丘者小自默忍其一比丘熾盛多語熾盛比  
 丘自知已過歸誠懺悔默忍比丘不受其懺  
 展轉共道出大音聲佛告比丘云何愚癡不  
 受他懺諸比丘當知昔日釋提桓因在善法  
 堂諸天眾中而說偈言

譬如用瓢器 斟酥以益燈 火然轉熾盛  
 返更燒瓢器 瞋心亦如是 還自燒善根  
 我終不舍怒 瞋已尋復散 不如水旋流  
 洄復無窮已 雖瞋不惡口 不觸汝所諱  
 所諱如要脉 我終不傷害 調伏於身已  
 於已即有利 無瞋無害者 彼即是賢聖

息二

士

亦賢聖弟子 常應親近之 諸有瞋恚者  
重障猶如山 若有瞋恚時 能少禁制者  
是名為善業 如轡制惡馬  
佛告諸比丘釋提桓因處天王位天中自在  
尚能修忍讚歎忍者況汝比丘出家毀形而  
當不忍讚歎於忍佛說是已諸比丘聞佛所

說歡喜奉行

如是我聞一時佛在舍衛國祇樹給孤獨園  
爾時世尊告諸比丘昔釋提桓因將諸天衆  
將欲往與阿修羅戰時釋提桓因語毗摩質  
多羅阿修羅王言我等今者不必苟須多將  
人衆共相傷害但共講論以決勝負毗摩質  
多羅諸釋提桓因言憍尸迦汝等講論若有  
勝負誰當分別釋提桓因言我等衆中若阿  
修羅亦有聰智慧辯才能掌善惡決勝負  
者毗摩質多言帝釋汝今先說帝釋答言我  
亦能說汝是舊天應當先說毗摩質多羅即  
說偈言

今我見忍過 愚者謂忍法 彼怖故生忍  
便以已為勝 釋提桓因復說偈言  
隨彼言怖畏 已利最為勝 財寶及諸利  
無勝忍辱者 毗摩質多羅復說偈言

息二

十三

愚者無智慧 要當須止制 譬如彼後牛  
騰陌先牛上 是故須刀杖 摧伏於愚者  
釋提桓因以偈答言  
我觀止制愚 默忍最為勝 極大瞋恚忿  
能忍彼自息 無瞋無害者 彼即是賢聖  
亦賢聖弟子 常應親近之 諸有瞋恚者  
瞋重障如山 若有瞋恚時 能少禁制者  
是名為善業 如轡制惡馬  
諸天及阿修羅衆有智慧者詳共平議量其  
勝負以阿修羅說諍鬪為本釋提桓因止息  
諍訟心無忿競以阿修羅負帝釋為勝佛告  
諸比丘釋提桓因天中自在長夜忍辱讚忍

辱法汝等比丘若能忍辱讚歎忍者稱出家  
 法佛說是已諸比丘聞佛所說歡喜奉行  
 如是我聞一時佛在舍衛國祇樹給孤獨園  
 尔時世尊告諸比丘往昔之時釋提桓因共  
 阿修羅將欲戰鬥治嚴已辦尔時釋提桓因  
 告諸天言我等諸天若得勝者必以五縛繫  
 阿修羅將詣天宮時阿修羅亦勅已眾我等  
 若勝亦以五縛繫釋提桓因詣阿修羅宮尔  
 時諸天眾勝即以五縛繫毗摩質多羅將詣  
 天宮毗摩質多羅見帝釋時瞋恚罵詈極出  
 惡言帝釋尔時親聞罵聲默不加報尔時御  
 者摩得伽即說偈言

釋脂之夫摩佉婆 汝為怖畏無力耶  
 毗摩質多面前罵 極出惡言云何忍  
 尔時帝釋說偈答言  
 我不怖畏而生忍 亦不以我無力故  
 而畏毗摩質多羅 我以勝智自修忍  
 愚者淺識智無及 而常諍訟心不息

若我以力用禁制 與彼愚者同無異  
 御者復說偈言

嬰愚若放縱 轉劇不休息 如彼後行牛  
 騰陌前牛上 健者宜以力 禁制彼愚者  
 帝釋復說偈言

我觀制禁愚 莫過於忍默 瞋恚熾盛時

息二

十四

唯忍最能制 愚者謂有力 而實是無力  
 愚不識善惡 無法可禁制 我身有勇力  
 能忍愚劣者 是名第一忍 忍中之善者  
 微者於有力 不得不行者 是名怖畏忍  
 不名為實忍 威力得自在 為他所毀罵  
 默然不加報 是名為勝忍 微劣怖威力

默然不能報 是名為怖畏 不名為行忍  
 嬰愚無智等 惡害以加他 見他默然忍  
 便以己為勝 賢聖有智者 謂忍最為勝  
 是以聖賢眾 恒讚忍功德 除己并與他  
 滅除諸難畏 見他瞋恚盛 但能行默忍  
 彼瞋自然滅 不煩刀仗力 彼此得大利

自利知利他 愚者謂忍怯 賢智之所讚  
忍於勝已者 怖畏患害故 若於等已諱  
畏俱害故忍 能忍卑劣者 忍中最為上  
佛告諸比丘帝釋於三十三天最為自在行  
於王法尚能修忍讚歎於忍況諸比丘毀形  
入法應當修忍讚歎於忍若能修忍及讚歎  
者是出家法佛說是已諸比丘聞佛所說歡  
喜奉行

如是我聞一時佛在舍衛國祇樹給孤獨園  
爾時佛告比丘昔釋提桓因欲詣遊戲園勅  
御者摩得黎伽汝駕千馬車時摩得黎伽疾  
駕車已即白釋言嚴駕已訖宜知是時帝釋

息二

十五

出毗禪延堂上叉手合掌東面向佛摩得黎  
見帝釋東向合掌心生驚懼失所捉鞭并所  
執轡帝釋語言汝見何事驚怖乃尔失馬鞭  
轡摩得黎言摩佉釋脂之夫我見汝叉手東  
向以是心懼故失鞭轡一切有生皆敬於汝  
一切地主盡屬於汝四天王及三十三天皆

禮敬汝誰復有德勝於汝者叉手合掌東面  
而立帝釋荅言一切敬我信如汝言一切人  
天所恭敬者号之為佛我今恭敬禮向於佛  
尔時帝釋即說偈言

最大名稱世間尊 汝摩得黎應當知  
我今於彼生敬信 是故叉手合掌立

摩得黎即說偈言

尔時敬禮世間勝 我亦隨汝恭敬禮

作是語已合掌禮敬乘輦而去佛告諸比丘  
帝釋自在處天王位猶尚恭敬禮拜於佛汝  
諸比丘剃除鬚髮出家學道勤當敬佛應出  
家法

佛說是已諸比丘聞佛所說歡喜奉行

如是我聞一時佛在舍衛國祇樹給孤獨園  
尔時世尊告諸比丘昔釋提桓因欲詣遊戲  
園勅御者摩得黎汝駕千馬車時摩得黎尋  
駕車已詣帝釋所即白帝釋言嚴駕已訖宜  
知是時尔時帝釋出毗禪延堂合掌南向時

摩得黎見已心亦驚怕失鞭及轡帝釋語言  
汝見何事驚怖乃尔摩得黎言摩佉釋脂之  
夫我今見汝合掌南向心懷懼故致失鞭轡  
一切有生皆敬於汝一切地主盡屬於汝四  
大王天及三十三天皆禮敬汝誰復有德勝  
於汝者又手合掌南向而立帝釋答言一切

敬我信如汝言一切天人所恭敬者名之為  
法我今恭敬禮具足戒法

尔時帝釋即說偈言

有諸出家者 以修不放逸 長夜入寂定  
修最上梵行 捨棄於三毒 能得解脫法  
有如是等法 我今恭敬禮 諸大阿羅漢

息二

十六

遠離於欲者 能滅無明闇 斷除諸結使  
并在家修善 不作惡業者 如是正法子  
今我皆敬禮

摩得黎言汝禮最勝我願隨禮尔時帝釋作  
是語已合掌敬禮乘輦而去佛告諸比丘帝  
釋處於人天而得自在尚能恭敬禮敬於法

況汝比丘剝除鬚髮出家學道而當不勤恭  
敬於法佛說是已諸比丘聞佛所說歡喜奉行  
如是我聞一時佛在舍衛國祇樹給孤獨園  
佛告諸比丘昔釋提桓因欲詣遊戲園勅御  
者摩得黎汝嚴駕千馬車時摩得黎駕車已  
訖詣帝釋所白帝釋言嚴駕已訖宜知是時

尔時帝釋出毗禪延堂合掌西向時御者摩  
得黎見是事已亦生驚懼失鞭及轡帝釋語  
言汝見何事驚怖乃尔摩得黎言摩佉釋脂  
之夫我見汝故致失鞭轡一切有生皆敬於  
汝一切地主盡屬於汝四天王天及三十三  
天皆禮敬汝誰復有德勝於汝者又手合掌

敬向西方帝釋答言一切敬我如汝所言一  
切天人所恭敬者名之為僧今我恭敬信向  
於僧尔時摩得黎即說偈言

人身膿汗滿 劇於露死屍 恒患飢渴若  
豈羨彼無家 汝今以何故 極能恭敬彼  
彼有何威儀 及以道德行 願汝為我說

息二

十七

我今至心聽

尔時釋提桓因即說偈言

以彼無家故 我實羨於彼

倉庫及穀米 離諸眾事務

善護於禁戒 辯說美妙法

行聖默然法 諸天阿脩羅

一切諸人中 悉各有忿競

悉皆離刀仗 一切皆積聚

世間所愛著 彼心皆捨棄

遠離一切過 摩得黎汝今

尔時摩得黎復說偈言

汝禮者最勝 我亦隨恭敬

我今隨汝禮

說是偈已帝釋乘輿而去佛告諸比丘彼帝

釋者處人天自在尚能敬僧況汝比丘出家

修道各宜敬僧佛說是已諸比丘聞佛所說

歡喜奉行

帝釋摩訶耶 以何因夜叉

得眼得善勝

縛繫及敬佛 敬法禮僧捨

別譯雜阿含經卷第二

迅私特市怙二陷咸暉字赫下暉許晃暉

廣胡推上下回蟠上蛇上矯上薩上擊上電上

尺制反又頸反居反領反媯上亂上乃上鳥反又反蚊上蚤上下反莫反庚

反七寢反錦反扣反苦反候反怯上弱上去反劫反伺上求上寺反相

戢反阻反立反噴反子反委反蹲上踞上下反音反慷反胃反俱反大反捕上步反駛

使史音反隔反點反慧上八反胡反瓜反之反巧反齒反薛反白反助反極反向

反音銷反饒反下反時反扇反反反牀反榻反下反音反數反數反朔反瞋反忿反下

問反粉反又反瓢反毗反逆反斟反針反泗反洩反回反復反音反諱反許反謂反脉

麥反劇反奇反逆反諧反全反皆反上反戶

別譯雜阿含經卷第二

十八

息二